



THE DAYBREAK.

"Wankantanhan Anpao kin hiyouhipi."—Luke 1. 78.

Vol. XXVIII-No. 1

FOREST CITY, SO. DAK., FEB.-MARCH, 1913

Wokajuju 50 Cents

ST. ANDREW SUNKAKICIYAPI ON.

Tohinni Rev. Joseph Good-teacher Chapter hunh iyaza omani, na Oaletka iyohila el Koşkalaka wawiyopaştaka unpi kta waşte iyukean na cajewicayata. Hena iglubicapi na owotanla najinpi kta iyececa, kinhan taku on wawiyopaştakapi kte cin ecetu kta, na he ogna waawacinpi nin unkecinpi. Eva channi hena twewi hecinhan slokiyapi naceca, tka akta waktapi kta e le ihukuya cajepi unko-wapi.

Holiwoju ekta: St. Stephen's Chapter on, James Spotted Horse, Charles Pretty Bear.

Emmanuel Chapter on, Isaac Useful Heart, John Makes Life.

Canpa wakpa, Samuel Eagle Chasing, Peter Canmaya.

Flandreau Chapter on, Isaac West, John Thompson.

Crow Creek Chapter on, Thomas Tuttle, Stephen Gunn.

Santee ekta, Agency Chapter No. 53 el, Daniel Khune.

Chapter No. 2082, Thomas Kitto, Chapter No. 2113, Joseph Chapman.

Tokata tohan Provincial Chapter kin Holiwoju ekta mniciyapi kte cin he May 31 1913, na Program iyayustag, Program Committee kin wanna yuſtanpi, ca tokata unyaotaninpi kte. Itayena iwankab Committee kin hena, wasabglepi on Holiwoju Chapter kin hena bli-hecapi nin unkecinpi. Iyotan Holiwoju koşkalaka unpi kin hececapi waşte, kinhan tohan omniciye kte cin on oksantanhan ahi eca omniciye oiyokipi na waşte unyuhapi kta uncinpi.

E. Ashley
Prov. Chapter Itanean

Mrs. Clark, Rosebud etanhan, na Mazaska awanyake cin he, wowapi wan kage ca Minişoşe iwiyohpeyata Yewicaşipi on Wicaşa wakan un kin, Rev. J. W. Walker ecipyapi kin, wişi tawa kin on Winyan Omniciye unpi kin ake le omaka kin on Mazaska wanji sam okise kicunpi na iye yekiyapi kta e iwacinwicaye. Hecel Helper, Catechist, na Deacon unpi kin taku kin le yuecetupi kta e etonwanpi kta iyecetu.

South Dakota obaşte kin ataya on wotanin wowapi wan lecala tokaheya kagapi, na he "South Dakota Churchman" caſtonpi. Wicaşa wakan yamni hena iapi awanyakapi: Revs. F. B. Barnett, J. K. Brennan, na Rev. B. S. McKenzie hena eepi, na tokaheya cajeyatapi kin he itanean. South Dakota Yewicaşipi obaşte owancaya on wotanin kin le kagapi kin on, lakotata tona waſicun iapi onspepi kin he opetonpi na yawapi kta iyececa. Oyasın iyeunkiciciyapi, slołunkiciciyapi kta, na patawanjila Okolakiciye wakan el wowaşi econqonpi kta, na Okolakiciye wakan, South Dakota ei iyoopte kta ca kagapi kin heon.

Anpao kin le el hekta Convocation kin mniciyapi el taku cajeyatapi naſiſ wayuſtanpi kin he unyaotaninpi. Yunkan hena etanhan wanji lececu, wicaşa tona delegates kin hecapi maza canku omani kte cin on Bishop teca na Wowapi kage cin maza canku wicaşa kin ob woglakapi na tokel waſakela kagapi okihihi kinhan slolyewicaşipi. Yunkan etanhan taku wanji iyukeanpica seca. Wanna eccla Easter Anpetu kta, na wokiksuye kin he icunhan tokata Convocation on delegates wicakalnigapi kta. Hecel hena wicakalnigapi kin icunhan twewi kin oiglakapi na maza canku ogna yapi kte hecinhan yataninpi kta waşte, kinhan Woşna kaga unpi kin tonakecapi kta slolyapi kta na Bishop na Wowapi kage cin onalunwicayapi okihihi kta. Nakunſ tona heconpi kte cin iyuha Chicago, Milwaukee na St. Paul canku kin he ogna yapi okihihi, hececa kinhan oyasin Sisseton nakoce kin ekta canku wanjila unpi kta. Sicangu na Oglala kin heni-os waziyata upi na canku obos kin he opapi okihihi naceca. Oyanke unmapi kin canku kin he opaye upi na oyuspapi kta kipi. Heon taku kin le awiyukeanpica iteka.

Greenwood etanhan.

Church of the Holy Fellowship ed Winyan Omniciye kin hekta apikiyapi, qa tokatakiya wowaşi econpi kte cin tokahekiyapi kta a wicayuſtanpi:

Mrs. Matilda Lyman, Itanean,
Mrs. Sarah Keeler, Itanean oki-he,

Mrs. Sophia Williamson, Mazaska awanyake,

Eliza Obasaw, Wowapi kaga,
Mrs. Marian Picotte qa Mrs. Mary Spider, Wokagege yuhapi,

Mrs. Anna White Dog qa Mrs. Adelia Stricker, Wamnayanpi.

Winyan omniciye opapi tapi dena eepi: Ellen Careña Brugier, Mrs. Sarah Anpetu icage win, qa Mrs. Harriet Tawahukeza. Qa teca opapi kin Mrs. Viola L. Picotte qa Mrs. Maggie Wisapa. Ataya opapi kin wicaşaje 62 mnyuhapi.

Eliza Obasaw
Wowapi kaga.

Standing Rock.

Good Shepard Chapel.

Anpao kin:

Kola lecala Winyan omniciye apikiyapi na lena oitanean unpi kta wicayuſtanpi:

Jane Noisy Hawk, Itanean,

C. B. Eagle, Okihe.

Edith Dog Eagle, Wowapi Kage.

Josephine Many Elk, Mazaska awanyake.

Julia Brings Yellow, Wokagege awanyake,

Angela Wan kiſſan na Julia K.

C. Indian, Wayazan awanyakapi, Alice Kill at Night na Alice Dog man, Wamnayanpi.

Susan Eagle Bull na Mabal K. C. Indian, Tiyoſa awanyakapi.

Ho hena woccon wakan kin el inajinpi on wopila unkeyapi. Wankantanka yus awicayin kta unkecinpi. Cante on napenniyuzapi ataya owancaya.

Catherine B. Eagle,
V. Pres.

Rosebud, St. Philip's Chapel.

Pres., Susie Charging alone,
V. Pres., Emily Zieckerick,
Sec., Lucy Charging Bear,
Treas., Cora Fast Horse,
Collector, Bessie Two Hawk,
Wokagege A., Jennie Iyotte,
Sick, Eliz. White wing,
Door Keeper, Sophia Yellow Eagle.

Cut Meat, S. D.,

St. Mark's Chapel etan.

Woşna kaga oklateya lena mazaska kalwickiyapi kta Winyan omniciye itaneanpi:

Itanean, Jennie Wicapi sapa, Okihe, Emma Wabacanka gi, Wowapi kaga, Chester Black Star, Mazaska awanyaka, Bessie Ota kte, Wamnayan, Annie Tokaola, Wayazanka A., Lizzie Dillon, Wokagege A., Lizzie Tanyan kte.

Anpao:

Wanişipi e oniciyagmaşipi. Anpetu kin de Winyan omniciye wan he oitaneanpi kin piyapi qa he Cuwewicayapi maka owancaye yampi kin nawicalonpi cinpi qa de oyagmaşipi. Unkan taku wanji icante mawaşte kin he dee. Tohan taku omniciye qeşaſ oitanean pi-
de waonmaspe ſni, iyeſ kan itanean kta iyecetu, eyapi. Miye qeſ wacin ſni "eyapi ecece." De winyan omniciye kin iyuſkinyan econpi qa wicolan wicaqupi owas in iyuſkinyan icupi. Unkan de-
een awacanmi. Den winyan omniciye kin Taku wakan wicakiei un e tanin qa taku owasin iyuſkin-
yan qa akinica ſni econpi. Deceen cajepi, Christ Church Heyata oade-
tka ewicakiyapi.

Mrs. Annie Red Thunder, Pres-
ident,

Miss Christine Eagle Dog, Vice
President,

Mrs. Helen Lodge, Secretary,
Miss Agnes Red Thunder, Treas-
urer,

Mrs. Sarah Odd Face, Store
keeper,

Mrs. Red Thunder, qa Mary
Owl, Collectors,

Mrs. Lizzie Two Heart, qa Mrs.
Lizzie Y. Dog Wakaptapi.

Thomas Rattle,
Crow Creek.

Pickrel Lake, S. D.

St. James Church etanhan Win-
yan omniciye den unqonpi kin he-
kta St. James Taanpetu he en oi-
tanean wicakalnigapi, hena wi-
akenonpa hebanyan Wakantanka
etkiya itanipi kta wicayuſtana.

Louise Rondell, Itanean,
Louise Owens, Okihe,
Lydia Bernard, Mazaska awan-
yaka,

Jennie Keble, Wowapi Kaga,
Julia Hayes, qa Winnie Ber-
nard, Wamnayanpi.

Ho hena hececu, tona Anpao
iyacupi nape ciyuzapi.

Jennie Keble.

THE DAYBREAK.

REV. E. ASHLEY, LL. D., Editor

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY, LL. D.
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal, canicpawega akan otkeyahan yann tka qon. maka akan wicaša unpi kin owasin Niye ekta etonwaupi qa niwica-yapi nuniwe. AMEN.

WAKANTANKA Iyotan wašake cin, Woksapi ed Itancan kin, Woksapi Nitawa kin ed Itanipi kin nakin sanpa yewica-yaši kta e onšiciya iceunniciyapi: hecel Waawanglake wicaša na wacinyepica heca iyenakecapi kin on Okolakiciye-wakan nitawa kin iyuskin kta, na Nitokiconze wašte oicaga tawa kin yuntakapi kta: Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate hiyeye cin oyasin maka kin owancaya etipi kta e wicakakage cin, na tona uehanyapi naiš kiyela nipi kin, wockiye owicakiyakin kta e Nicinea wašte nyaši qon: wicaša oyasin onilepi na iyeniyanpi nuniwe. Oyate kin optaye nitawa kin opewicaya ye, na Ikeewicaša kin wokiconze nitawa ekta awicagli ye. Tona wicaweco kin ecela wicahucetu, na nitokiconze kin kohanna nyakiyin kta iceunniciyapi: Jesus Christ Itancanunyanpi kin hee eciyatanhan. AMEN.

O ITANCAN, tona nunipi kin hena awicakakage ca niwica-yayin kta e yahi kin, na malpiya ekta na maka akan wowašake-ataya nicipi kin, tona econwicayaši kin eciyatanhan, wicaša otoloyohi Wotanin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iceunniciyapi. Taku wokokipe el i pi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan; makašica on wicate cin etanhan; šicaya wicakuwa tootitika kin etanhan; wocetungla na inahnipi etanhan; wocacinihošake na owolutaton kin etanhan; na oiyokpaza itancan iciconza-pi kin owasin etanhan ewicayaku ye. Na wojupi na minikaštanpi kin icunhan wacahye cin, Niye, O ITANCAN, uwicakiciya ye, Ikeewicaša wicota hein omnawicaya ye, Christian tamakocepi kin ekta tona wowanikiye hinsko tanka aktapi ši kin hena wicayuhomni ye, hecel, O Maka Wanikiya waonšila kin, Nicaje yatani kta na Nitokiconze u kta: Niye, Ateyapi kin na Woniya Wakan kin ob woyuonihan na wowitan luha, nuniwe, maka owihanke waninl. AMEN.

Wotapi ši Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan, Wiconi Aguyapi ni un kin Mahpiya eciyatanhan hi kin he olepi na iyeyapi kta e iceunniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

NIORRARA DEANERY CONVOCATION KIN.

Christ Church, Crow Creek Agency,
S. D., July 12, 1912.

Minahanska makoce en Okodakiciye Wakan yanke cin en Bishop Waawanyake Itancan kin Rt. Rev. Daniel S. Tuttle, D.D., he inahnina South Dakota obašpe awanyake cin he anpetu wan kahniye cin oknayan Niobrara Deanery okašpe kin omaka wanji on Convocation kin he Christ Church, Crow Creek Agency, iwaziyatanhan makiyutapi hanke kin hen Walipewokeya kin he en July 12, 1912, qonhan mniciyapi.

Bishop Itancan kin de omnicieye kin en un ši kin on Rev. Doctor Ashley, Niobrara Deanery imahen Rural Dean un kin he omnicieye kin inyangkiye, iye tawokonze kin oknayan. Rev. Amos Ross, wahokonwicakieye, qa Rev. H. Burt Wotapi wakan kin yuwakan, qa Rev. A. B. Clark, Rev. N. Joyner, qa Rev. P. J. Deloria hena okiyapi. Atayaken opawinge nom sam wikcemna šakdogan Wotapi wakan kin icupi, qa womnaye kin \$33.14 henakeca,

Wicokaya sanpa nom sam hanke ape qonhan Rev. Doctor Ashley, omnicieye itancan kin omnicieye yuhdoke, qa hekta wowapi kage cin he wicacaje kin yawa, qa wicašawakanpi kin wikcemna nom sam wanji, qa Catechists kin akešakowin, qa Helpers (Wawokiya) kin wikcemna nom sam nom, qa kahniš opapi kin wikcemna šakowin sam šakdogan henakeca cajewicayatapi kin ayuptapi.

Hehan Rev. A. B. Clark, Rev. John Wahoyapi, qa Mr. Alfred C. Smith, hena yamni wicacaje yawapi kin dena he heepi qaiš heepi ši tka cajewicayatapi hecinhan hena abdezapi kta e Itancan kin Committee wicakage.

Hehan okiheyaya kin he oitancanpi kte cin hena wicakalnigapi, qa Wowapi kage kte cin he Rev. William Holmes hee, qa Convocation en Dean un kte cin he Rev. Amos Ross hee, qa Convocation tamazaska awanyake kte cin he Rev. A. B. Clark hee, qa Dakota wicašawakan tamazaska awanyake kte cin he Rev. H. Burt hee.

Hehan okiheyaya hekta omaka kin icunhan Rev. A. B. Clark Convocation tamazaska awanyake cin he mazaska tona icu qa tona yusote cin hena okdake, qa tawowapi kin he iwanyakapi kta e Committee yamni Itancan kin wicakage qa hena Rev. Dallas Shaw, Mr. Thomas Arrow qa Mr. Robert American Horse, hena yamnipi.

Hehan okiheyaya hekta omaka kin icunhan Rev. H. Burt Dakota wicašawakan tamazaska awanyake cin he mazaska tona icu ca tona yusote cin hena okdake qa tawowapi kin he iwanyakapi kta e Committee yamni Itancan kin

wicakage qa hena Rev. Charles J. Jones, Rev. Herbert Welsh, qa Mr. Charles King hena yamnipi.

Hehan Rev. Doctor Ashley, An-pao kin kage cin he mazaska tona icu qa tona yusote cin okdake, qa anpetu kin dehan mazaska kin \$155.59 henakeca yanka e keya.

Hehan okiheyaya wicaša wakan wanjiš otitokantanhan den hi hecinhan omnicieye kin woštanpi opešniyan unkiyopeyapi onye kte eyapi, qa Rev. C. C. Rollit Minneapolis, Minn., etanhan qa tuwa Yewicašipi okašpe išakpe kin icokata iyaza omani kin hee, qa Rev. Thomas J. Ronillard, Eggleston, Minn. henaos eepi.

Hehan Rev. Doctor Ashley he wošiceonze kta wan cajeyate qa oknayan ataya inajin yušanpi qa he decetu.

Niobrara Deanery obašpe kin okna omaka wanji on Convocation econqonpi, qa witaya unyankapi kin he icunhan wicašawakan tona en unqonpi kin, qa kahniš onnapi kin, qa winyan omnicieyepi kin hena owasin Very Rev. George Biller, Jr. Sioux Falls, South Dakota en Tipiwakan Itancan awanyake cin he South Dakota obašpe kin on Bishop un kta kahnišapi kin he iyounkipipi kin on yuwitaya wopida unkeyapi kta uncinpi, qa he eciyatanhan iye kin en ohodaya qa yuwicakeya unqonpi kta e unkišiconzapi.

Makobašpe wan tanka, qa wowaše ota yuhekiyapi kte cin on Okodakiciye Wakan kin tukte oknayan kipi kta iyukean kin oknayan Bishop wawokiya heca wanjiš kaecanaken okihikiyapi nin unkecinpi.

Hehan okiheyaya Convocation icunhan wicote tona iwokdakapi kta kahnišapi kin wanji tokaheya kin he "Christian wiconi kin he taku he?" he Rev. Flockhart iwokdake, qa he iyohakam wanna itawacehiyapi kte cin iyehantu kin on enakiyapi.

Saturday, July 13, 1912.

Convocation kin yuwitaya walipewokeya kin en hinhan wocokiyeye woccon kin econpi, Rev. A. B. Clark, qa Rev. P. J. Deloria henaos hinhan wocokiyeye kin econpi, qa he en "Christian wiconi kin he taku ca kte kta eeee he?" he Rev. Amos Ross iwokdake, qa nakun okiheyaya "Oyate wicekna wicazani yugin kta e taku econqonpi, qaiš econqonpi kte ši he" he Rev. William Holmes iwokdake.

Hehan he iyohakam Rev. Amos Ross, Dean un kin he omnicieye kin yuhdoka, qa wicacaje kin yawapi qa hekta woccon kin yawapi qa owas hecetu keyapi.

Hehan okiheyaya Mr. Adam High Bear, Cheyenne Agency etanhan kin he wicajeyate qa To Itancan kin he Committee yamni wicakage kte, qa hena tuwewe Šunkakan

canpakini qin napapi qa untanpi kin hena wanwicayakapi, qa takuli on owicakiyepica kta hecinhan hena abdezapi kta iyecceca ee eye qa he okiyapi, qa iyecen yušanpi.

Heon Itancan kin Committee yamni wicakage qa hena Rev. Joseph Goodteacher, qa Rev. William Saul, qa Mr. Adam High Bear hena yamnipi.

Hehan okiheyaya Rev. P. J. Deloria he wacajeyate qa To Itancan kin Committee zaptan wicakage kte, qa hena Bishop teca wan wanna unyuhapi kte cin on wopida wocokiyeye unkeyapi kte, qa nakun Bishop Itancan kin he wopida unkekiyapi kta, e hena aiyopteya wowapi wanji kagapi kte, eye qa he okiyapi, qa yušanpi, qa he wowapi kin decen kagapi.

Tona den ihukuya caje eunikišknakapi kin hena Committee unkagapi, qa wanna Bishop teca wan unqupi kin he on malpiyata ateunyanpi kin he wopida unkekiyapi kta uncinpi. Hekta wi wanjiš hehantanhan taku kin de on icekiya qa woape yuha iyokišinya unqonpi. Tka dehantu kin wannawowiyuškin tanka unyuhapi. Ecin tuwa wan unkišicahnigapi kin he Woawanyake otowwe kin en Tipiwakan Itancan awanyake eiqon hee, qa wocokiyeye omnicieye yuha unkiyopeyapi wowaše econyanke cin he hee ca unkišicahnigapi kin he awicakehan ikipi unkecinpi. Iye kin he, tuwa wan osdonunyanpi ši kin he heca ši, qa he eciyatanhan South Dakota yewicašipi makobašpe kin de token oopišciye tawa, qa taku tonakiya yuhekiyapi kta iyecceca kin hena otobanyan osdonunyanpi kin eciyatanhan, wicaša kin de ikipiya unkišicahnigapi kin he awicakehan wopida tanka. Iye kin wanna kahniš yušanpi, qa yuwakanpi kte cin on woawacin unkitawapi kin eciyatanhan awicakehan woyuwuškin qa wopida taninyan unkeyapi. Okodakiciye wakan kin wowaše tona tawa qa econqonpi kta e hiyeye cin dena opeya iye kin he tokaunkeihanpi qa unkiš kahakamya wowaše kin dena econ maunni kta hecen wicaunkeidapi qa eciyatanhan woyopastake unyuhapi kin he unkdataninpi kta uncinpi. Heon etanhan Wakantanka eciyatanhan ateunyanpi okinihan kin he Wakantanka Okodakiciye Wakan tawa kin en wowaše wan yuhekiyapi kin he unkiš iye kin ohodaya qa yuwicakeya wowaše tawa kin he en onkiyapi kta e hecen unkišiconzapi.

Nakun taku wanji itokeca on wopida unkeyapi kta iyecceca Committee kin unkiyukeanpi, qa he Bishop Itancan kin hee, qa Bishops kin owasin, Iyepi kin tanyehcin iwanyag wicaša wan unkišicahnigapi, qa wanna yuwakan-

pi kte cin heon, awicakehan cante eciyatanhan wopida unkeniciyapi kta uncinpi. Hektatanhan unku-pi eciyatanhan Okodakiciye Wakan kin he Dakota oyate kin taku token ecaunkiconpi kin hena unki-ksuyapi. Bishop Hare, Wakanpi tooonye yuba ni un kin he omaka ota tokaunkiehanpi, qa akeš oki-heya Bishop Johnson, iye kin ounkiyapi, qa unkiyepi kin on cante unkičičapi, qa tokatakiya eunkipazopi ecece kin, hena unki-ksuyapi qa awauncinpi kin on South Dakota icokata Dakota tona Christian heca unpi kin iyuha yuwitaya Okodakiciye Wakan kin ataya cante eciyatanhan awicakehan wopida unkeniciyapi e he un-kdataninpi kta uncinpi.

Committee, E. Ashley,
P. J. Deloria,
William Holmes
Luke C. Walker
Alfred C. Smith.

Hehan okiheya Dakota wicaša-wakan tamazaska kin he aicaga yuke qaiš heca yuke šni hecinhan taku kin he ninali iwokdakapi, tka on woyušan kta iyecenya eunpapi šni kin on yušanšniyan ikceya iwokdakapi qa ecen iyasni.

Hehan okiheya wicokaya hiyaye cin on yewicašipi wocekiye kin eyapi qa enakiyapi.

Saturday, July 13, 2:30 p. m.

Walpewokeya kin en wica qa winyan koya yuwitaya wacekiyapi, qa he en Rev. C. C. Rollit, Minne-apolis, Minn. etanhan kin he wa-hokonwicakiye, qa makobašpe to-nakeca he iyaza omani kta e tawa kin owas ecen okdake, qa dena ee Duluth, Minnesota, Iowa, Nebras-ka, Kearney, Colorado, Western Colorado, Wyoming, Montana, North Dakota, qa South Dakota, hena akewanjikiya omani kta tawa, qa wokdake cin opeya wi-coie wanji decen eye, makoce kin dena iyaza omawani manke tka ninalica omatanin šni, qe yaš eya eqeš asanpi wikdi aguyapi apawind yutapi ecan asanpi wikdi kin wašte šni chantanhanš wancag otanin hea ecece ce eye, tka owekinaš oyud mawašte yedaka heon he ninali amatanin šni kin hee ce eye. Hehan nakun okiheya "Dakota oyate kin 25,000 henakecapi—tka wašicun 90,000,000 henakecapi. Hetanhan taku unkonspepi kta iyececa he?" wicoie kin he Rev. N. Joyner, he iwokdake. Rev. Mr. Rollit, qa Rev. Mr. Joyner, napin iewicaweciska. Hehan okiheya Convocation kin ake eyotanke qa Rev. Amos Ross, Convocation Dean un kin Itancan yanke, qa to wicacaje kin qa hekta wocon kin hena yawapi kta šni eyapi qa iye-cen yušanpi.

Hehan okiheya taku cajeyatapi iwokdake yuke cin he Convoca-tion kin de makoncage kin wato-hantubcin econpi kinhan wašte kte cin he iwokdakapi, qa September

wi kin he kacokaya kin wahchantu kinhan wašte kta keya yušanpi.

Hehan akeš okiheya Mr. Dom-inique Long Bull, Standing Rock etanhan kin he wacajeyate qa Convocation ekna kañili yewica-šipi kin hena mazacanku wokajuju kin kawašakayanaked wicakeicaga-pi kta e tukte oknayan kuwapica kta iyececa keya qa taku kin de wicota iwokdakapi, qa ohanketa woyušan kin he decetu. "Bishop teca kin hee, qa Convocation wowapi kage cin henaos mazacan-ku awanyakapi kin hena ob iwo-kdakapi kte" hecen yušanpi.

Hehan okiheya Rev. P. J. Delo-ria he wacajeyate qa Convocation econpi kin icunhan wicoie tona iwokdakapi kta kañigapi kin hena ehaš ota, qa nakun wihiya-yena oape cistinna wikcemnana iwokdakapi kte yanke cin he nina ptececa, heon detanhan tokata taku iwokdakapi kta kañigapi kte cin he yamniina kta nakun wihiya-yena oape hanke hehanhayan iwokdakapi kte eye, qa he hecetu kta yušanpi.

Hehan okiheya Dakota oyate kin "ohodaya, owotanna, qa bdes-yahan nipi" kta e iyoptapi he. "Iyececupi šni hecinhan taku on hececa he," wicoie kin he Rev. P. J. Deloria iwokdake.

Hehan okiheya Mr. Antoine Rondell, Crow Creek, etanhan kin he wacajeyate, qa Detanhan toka-takiya Convocation kin de tukten oyanke wan en mniciyapi kte cin he en womnaye wanice kta, tka ee tona kañili yewicašipi kin hena iye iyatayena woyute kduha yapi kta ce eye.

Wicoie kin de ninali iwokdaka-pi, tka tukte oknayan woyušan kta iyayetopteya hiyuyapi šni canke Itancan kin on wawiwange kte cin okihišniyanpi, qa ecen wanna liwawacekiyapi kte cin he iyebantu canke iyayupali ekikna-kapi.

Sunday, July 14.

Walpewokeya kin en Convoca-tion kin yuwitaya Owacekiye Wa-kan econpi. Rev. Doctor Ashley, wowapi wakan etanhan Joshua 7: 13, 14 hena on oyate wahokonwi-cakiye, qa ohakam woyute Wakan kin he yuwakan, qa Rev. Luke C. Walker, qa Rev. Amos Ross, qa Rev. William Holmes, hena okiya-pi, qa atayaked opawinge yanni sam wikcemna yamni wotapi wa-kan kin icupi. Womnaye kin he \$42.18 henakeca.

Wicokaya sanpa noui sam hanke ape qonhan ake Walpewokeya kin en yuwitaya wacekiyapi qa he en Crow Creek Reserve en Ateyapi kin he wokdake, qa nakun. "Wi-caša wan Wakantanka etanhan wowaonsida icu kin on pida he-cinhan, wopida kin he token yu-tanin kta iyececa he?" wicoie kin he Rev. H. Burt, iwokdake, qa na-kun "Wicaša wašte unpi kin Da-

kota wicakinihanpi kte cin on token obanyanpi kta iyececa he?" wicoie kin he Rev. Luke C. Walk-er iwokdake.

Hehan de iyohakam wica kin qa winyan kin kakinukanyan išnašna-na mniciyapi qa ecen alitayetupi.

Monday, July 15.

Wica qa winyan koya yuwitaya walpewokeya kin en hinhanha wocekiye econpi, Rev. Baptiste P. Lambert, qa Rev. Joseph Good-teacher, henaos hinhanha woceki-ye kin econpi. Okiheya Rev. A. B. Clark, qa Rev. Baptiste P. Lambert henaos wokdakapi. "Da-kota oyate kin woiyowaja ikeeka, qa wakan ko yuhapi, ksamyahan idagyapi šni kinhan itokeca kta he?" wicoie kin he Rev. A. B. Clark iwokdake, qa "Hokšipina kin Okodakiciye Wakan kin sanpa awacinpi kta e taku tona econpica he?" wicoie kin he Rev. Baptiste Lambert iwokdake.

Hehan okiheya Dean Ross omni-ciye kin yulidoke qa wowapi kage cin wicacaje kin qa hekta wocon kin hena yawa, qa wicacaje kin nom apiyapi.

Hehan okiheya Mr. Antoine Rondell, owankayujajapi qonhan wacajeyate cigon he ake iwokdaka-pi, qa hecetu kte šni, tka hekta token ocon u kin he heceknana kta hecen yušanpi.

Hehan okiheya Dakota wicaša wakan tamazaska awanyake ta-wowapi kin iwanyakapi kta Com-mittee anpetu izaptan qonhan wicakalinigapi qon he itancan kin he Rev. Charles M. Jones hee wo-kdake qa wowapi kin he wanna iwanyakapi qa owasin owotanna owa yanke e iyeyapi keya wo-kdake.

Hehan okiheya Convocation ta-mazaska awanyake tawowapi kin iwanyakapi kta e anpetu izaptan qonhan Committee wicakagapi qon he Itancan kin he Rev. Dallas Shaw hee, he wokdake qa wowapi kin he wanna iwanyakapi qa owa-sin owotanna owa yanka e iyeyapi keya wokdake.

Hehan okiheya owankayujajapi qonhan Dakota wicašawakan ta-mazaska kin aicaga yuke, qaiš heca wanica hecinhan eya iwokda-kapi qon he ake cajeyatapi qa iwokdakapi, qa ohanketa Itancan kin on iwicawange qa woop IV qa okašpe itopa kin en token owa yanke cin he heceknana kta hecen yušanpi.

Hehan okiheya Rev. Joseph Goodteacher, Committee Itancan kin he wokdake qa, Committee kin wanna tuwa tona Šunkakan can-pakma qiu napapi na untanpi qon hena wahna wanwicayakapi, qa nakun Convocation tamazaska kin hetanhan mazaska wikcemna za-ptan sam zaptan on owicakiyapi kta heya, qa token owecihan owi-cakiyapi kte cin he Mrs. Ida Šung-hinto \$25.00 qa Victoria Charging

Bear \$12.50 qa Dorine Crazy Bear \$12.50 qa Levi Piesahunka \$5.00 hecekeen owicakiyapi kta keya wo-kdake, qa he hecetu kta yušanpi.

Hehan okiheya Rev. Doctor Ashley, he wicacaje šakpe omnici-ye kin wicakipazo, qa hena tokata South Dakota icokata Sioux Falls, South Dakota ekta Thursday, Sep-tember 19th 1912 hehan ataya omniciye econpi kta cin ekta dele-gates kañili yewicašipi kta keya qa he hecetu kta yušanpi, qa wi-cacaje šakpe kin hena dena cepi. Mr. Alfred C. Smith, Yankton Agency etanhan, qa Mr. Stephen King, Pine Ridge Agency etan-han, qa Mr. Charles Tackett, Rose-bud Agency etanhan, qa Mr. Patrick Noisy, Standing Rock Agency etanhan, qa Mr. Moses Williams, Sisseton Agency, qa Mr. Charles Briggs, Crow Creek Agen-cy etanhan, hena šakpepi.

Hehan okiheya Wica tawomnaye kin he wanna ahiknakapi kte cin iyebantu qonhan Itancan kin Com-mittee tob wicakage, Rev. Baptiste Lambert, qa Rev. Joseph Good-teacher, Mr. Alfred C. Smith, qa Mr. Thomas Arrow hena tob com-mitteepi, qa mazaska kin hena icupi qa yawapi, qa atayaken wica kin mazaska opawinge tob sam akešakowin sam kašpapi nom sam mazaša yamni \$417.23 henakeca eknakapi, hecen nahanšcin winyan kin tehanyan owicunkihanpi.

Hehan okiheya Rev. William Holmes wacajeyate qa Rev. C. C. Rollit, Minneapolis, Minn. etanhan kin tanyan en unhipi, qa unkičipi un, qa icunhan yewicašipi wico-han eciyatanhan takukuken abde-sunyanpi kin on wopida unkekiya-pi kte eye, qa he hecetu kta yu-šanpi.

Hehan okiheya Rev. Baptiste Lambert he wacajeyate qa Crow Creek Reserve den mniunkiciyapi kin icunhan tanyan ounkiyapi, heon wicaša wakan tona den unpi kin, qa Catechists kin qa wawoki-ya kin, qa košknaka omniciyepi qa winyan omniciyepi kin, qa oyate kin owasin yuwitaya wopida ewi-cunkiyapi kte eye, qa he hecetu kta yušanpi.

Hehan tokata omaka kte cin he tukte oyanke en Convocation econpi kte cin he cajeyatapi qa iwokdakapi, qa oyanke kin yamni-kiya cajeyatapi, qa ohanketa Itan-can kin iwicawange qa tokata omaka kin he oyanke tukte en Convocation econpi kte cin he Sisseton Reserve, hetu kta yu-šanpi.

Hehan ehakena Rev. Doctor Ashley, omniciye Itancan kin he wowakta, woiyopaštaka, woiyaksa-ksape, wicoie hena on oyate wa-hokonwicakiye, qa iyohakam wo-yawašte kin yutanin qa enakiyapi.

William Holmes,
Convocation Secretary

XII.—WOOHODA WOCEKIYE KIN.

Wakantanka etkiya woohoda wocekiye eyapi kin he wocon, qa wookihi napintu. Wowapi wakan kin en hecen econunšipi, qa he eciyatanhan wowašte ota icun-kiyapi.

Dena dawapi kte 2 Kings (Wicasayatapi) 17. 36; Isaiah 66. 23; 56. 7 qa Psalm 43. 4.

Wakantanka etkiya woohoda wocekiye ocon econonpi ecee kin he nakon dena ikoyake. Iye unyuonihanpi kta e on Odowan wakan kin yuha unkidowanpi ecee, qa Iye etkiya wocekiye unkitawapi kin unkeyapi, qa wopida unkeyapi, qa Wawicawapi unkitawapi kin Iye en unkiopi, qa Iye Oie Wakan kin he yawapi qa naan- honpi, qa Wakiconzapi tawa kin hena unyuwanpi, qa woohoda wocekiye eciyatanhan wocon obe tonakiya econpi kta e eknakapi kin hena eceken econon unkanpi kin hena he koya ikoyake.

Tuktetukeša Wakantanka woohoda wocekiye Iye etkiya eyapi kte cin he hecen, tiyata, qa magata, qa conšoketa, qa yuwi'aya wicoti kin ekta, qa witawata mahen, qa makatipi owicakaške mahen, henakiya ektakta onyan- pi eša hetanhan Iye eciyapi kta okihipi, tka hehan wicoicage iciyaza uye cin chantannajin ocon wan yuhapi kin he ohniyan owacekiye-tipi e yuwakanpi qa ekdepi, qa he okna woohoda wocekiye kin hena econpi ecee. Ho- woškan oyumnipi kin heehan Okodakiciye Wakan kin he Wake- ya Wakan wan okna woohoda wocekiye wocon kin hena econpi ecee. Exodus (Kdinapapi) 26th hen wanyaka po.

Solomon taanpetu kin hena icunhan Tipiwakan wan okna wocon wowinihan wakan on wacoupi kta e ekdepi. 1 Kings (Wicasayatapi) 6th hetanhan qa 8th hehanyan wanyake po. Wanna Christian icagapi oanpetu otoka- heya kin hena icunhan tona Jesus wicadapi kin hena tipiwakan wan okna woohoda wocekiye econpi kta e heca takuna yuhapi šni, heon e- tanhan iye tipi kin ektakta wocon kin hena tiyata econpi ecee. He- han wanna toban šicayawicakuwa- pi waokipe kin he icage qonhan hehan ake tona iye tawowicada on wicaktepi wicahapi tawapi, kin hetu, qa makocē kin en paha un- naptan ohdoka kin oknakna, qa hewošan makocē kin ektakta wocon kin hena econpi ecee. Rome etanhan is tona Jesus wi- cadapi kin hena Rome otonwe ohdateya makaoqe owicabe kdepi kin heci mahen wocon kin hena econpi ecee. Tka wanna tohan Jesus wicadapi oni kin he maka kin owancaya naobdenya aye qon- han hehan wanna tipiwakan hea- ka ekde ayapi, qa hena oknakna wocon wakanan econpi kta e on ekdepi. Wanna debanyan tukte- tuckešyaš ocon wan yuhapi kin he mazaska kin yuhapi qa econpica ehanthanhan henaked ektakta tipiwakan qa owacekiyetipi kin ka-

ekde ayapi. Tipiwakan kin dena onge nina owanyag waštešte, qa mazaska ota on kagapi, qa onge is cikeistinna qa oškiškeya kagapi wan heca šni, tka hececa eša hena tipiwakan kin tanka, qaiš cistinna unmatuktekeša hena Wakantanka tipiwakan tawa kin heca kin heon etanhan "Iye tipiwakan tawa kin he unyuonihanpi kta" cin he un- konspepi kta iyececa. Tipiwakan tonakiya hiyece cin henaked otoiyohi en wowakta wan unqupi kin he tipiwakan kin de okna Wakantanka buknya bi, qa he en wicaša kin henaked itkowicakipa e heon onšiciya, ikduhukudiciya tipiwakan kin en unqupi kta hecen woiyowinkiyē unqupi. St. Mat- thew 18. 20 hen wanyaka po.

Wakantanka etkiya woohoda wocekiye unkeyapi kin he unki- cantepi kin etanhan on unkeyapi kta iyececa kin he eceli econonpi eca he iyokipi kin ee ecee. Hehan egeš iha ececa on wacekiyapi kin hena iyokipi kin heca šni. St. Matthew 6. 7 hen wanyaka po. Tona cante on awacinyeš woceki- ye eyapi, qaiš nakon tokeš waon- spepi šni eša ee cante eciyatanhan eciyapi kin hena he iyokipi kin ee.

Woohoda wocekiye Wakantan- ka etkiya tonakiya ocon kin hena wowapi wakan kin en unkokiya- kapi. Atewicayapi kin hena Wa- knawošanpi kin akan wamakaska e wawicayunšapi ecee, qa he eciyatanhan tokata Canicipawega kin akan wošanpi Iyotan tanka wan yanke kte cin he ekta epazopi ecee. Gen. (Wicoicage) 8. 20, qa Job 1. 5 hena en wanyake po. He- han Jewish Okodakiciye wakan kin he is ohniyan wošanpi wicoi- an ocon kin hena iyayustag wocekiye oeye, qa woyatan kin, hena koya econpi ecee. 2 Chron. (Anpetuoya- kapi) 5th hen wanyaka po.

Tuktektan naknahena *Malipiya- ta* woohoda wocekiye ocon econpi wan wicaša tona yuwakanyan ni unpi kin hecapi e sdonyewicaki- yapi ecee. Malipiya oknikde wakanpi kin hecapi e "Wakan, Wakan, Wakan," eya dowanpi e he Isaiah nañonyanpi, qa he dehan Wotapi wakan wocon kin en ahiyayapi ecee kin he hee. Isaiah 6. 3 hen wanyaka po. Hehan Christ tonpi qonhan Malipiya oknikde kin hecapi e Odowan iyotan okitanin kin "Wakan Wakantanka wowitan yuha nun- we" eya ahiyayapi e he Talica- skana awanyakapi kin nañonpi. St. Luke 2. 13, 14 hen wanyaka po. St. John wowanyake wan- yagkiyapi kin opeya ovate wicota wokoyake ska koyakapi qa canwa- pa nape okna yuhapi, qa tuwena wicayawa kta okihi šni inayakeca oyanke kin ikduksan najinpi qa ohodapi e wanyagkiyapi. Rev. (Wayuotanin) 7. 9 hen wanyaka po.

Woohoda wocekiye Wakantan- ka etkiya dehan tipiwakan eknak- na econon unkanpi kin dena he otokaheya wicoicage iciyaza uye cin iciyaza ocon econyukanpi qon he hee e he unkiš iyecen econon unkanpi. Ocon kin dena wašte okitanin, qa wašakana kin heca. Hena wašte okitanin kin on nakon tokeš tona tawacin kin tobanwankantuyapi qeša is eya ocon kin dena owicapeya škanpi kta e okihipi, qa nakon hena wašakana kin heon nakon Wakanheja cikeistinpina eša hena ocon kin iyecen owicapeya škan-

pi kta e okihipi. Ocon qeya yuha unškanpi kin dena oyate wahpanicapi qeya owacekiyetipi cikeistinna oknakna ikduwitayapi ecee kin hena eepi, qa hehan is oyate wijicapi qeya tipiwakan Itancan qeya wowinihanyan oki- taninyan hiyece cin ektakta ojuga- juna ikduwitayapi ecee kin hena unmatuktepikēš napin iyakidecen ocon kin dena oknakna econpi kta cin he kipipi.

Wiyohipeyata otehanntu kin ekta Ikeewicaša kin cankegatipiwakan tawapi kin oknakna Itancan Ta- wocekiye kin qa wowicada kin eyapi, qa Wakan Wakantanka wowitan yuha nunwe eyapi kin he ahiyayapi ecee, qa icunhan is oyanke toktokeca kin ektakta tipiwakan qeya wicaša iyotan wakaga wayupikapi kin iyucanyan kaga- pi, qa tiunnaptan iyotan waštešte kin oknakna dowanwicakaonspepi kin heca kin opawinge tonagna oiyokipiya odowan iyotan waštešte kin heca ahiyaya yukanpi ecee. Hecen woohoda wocekiye ocon unkitawapi kin he oopiiciye kin he awacinni wašte. Maka kin owan- caya tuktetukešyaš nina wicota ocon kin dena ececon econyukanpi, qa hena owasin en iyakidehanya, qa wicoicage kin owasin iyakidecen owanjina unkeyapi ecee. Hecen on "Okodakiciye Wakan kin maka owancaya" eyapi kin he owasin yuptyaya unkahiyayapi ecee. Eeš nakon sanpa decen unkeyapi kta "tona owotaupina nagipi kin" heca kin wicotapi kin, hena woohoda eyapi kin hena owicounpapi, qa on owanjina unkeyapi. Hena Paradise ca woohoda wocekiye wankantuya kin en opapi kta e den maka akan ni unpi qonhan ocon kin dena on ikdaonspepi qon hena eepi.

Okodakiciye Wakan kin en woohoda wocekiye ocon kin okna- yan awicakehan wicakeya wacou- pi kin hecapi kta yacinni hecin- han taku tob yeksuyapi kta wacin.

1. Wakantanka tipiwakan tawa kin he wanna timahen idadapi kin- han heceknana makata woawacin kin hena tokan iyeyapi kta iyece- ca. Maka kin akan taku hiyece cin hena ataya yawitaya isam iyaye ee taku wan tanka e on de- han den yahipi kin he awacannipi kte. Hecen tipiwakan kin tima- hen yaunpi kin he icunhan teken ocon yanke cin hena eceli yaškan- pi kinhan hehan wakan oyate wicota wokoyakeska koyakapi kin he on owicayayapi kta nicipipi kipi- ya nišicagapi kte.
2. Oyanke tukte en nankapi kte cin he wanna en yaipi kinhan ohniyan carpeškamakekde inaya- jinpi kte, qa Woniya Wakan kin oniciyapi kta e yakidapi kte.
3. Wakantanka Ti kin he dec e wanna itinahan yaunpi, qa Iye e itokam nankapi kin he awicakehan sdonkiye wacin idutapi kta iyece- ca. Iye hea niye nišitapi kin on wandakapi kte cin he oyakihipi kte šni, tka egeš tona wowacinye kin he yuha Iye akitapi eca awicake- han wicakici on ecee, qa Iye wo- wašte tawa kin he ayakitapi kin- han Iye niyawaštepi kte.
4. Wocekiye ocon token owe- cihan hiyece cin iyuha eceli cante ataya on owicapeya yaškanpi kte. Hecen econonpi kinhan Wakan- tanka duonihanpi kte, qa icunhan niš taku iniwaštepi kte cin he kipi- ya nikdamnapi kte. Tokanpi kin hena cuwitakdapi kin iyecen waa- ktawacinšni opiciyapi kin, hena

on niš kaginišiyapi kta iyececa šni, tka ee yadowanpi kte, qa wo- ayupte kin hena ehapi kte, qa wanahon wacin nongoptan nanka- pi kte, qa Canpeškamakekde inayajinpi kte, qa najinwicapi kinhan najinhan inayajinpi kte. Dena heceh ocon qa ececon econun- šipi kin he yeksuyapi kte. Owace- kiye ocon tona en oyapapi kin hena otoiyohi en token oyakihipi kin taku on iniwaštepi kte cin hena icuwacannipi kte, qa awica- kehan woohoda wocekiye ocon kin hena cante ataya on econonpi kta e aišiciya yakuwapi kte.

White River, S. D.

Anpao kin :

Mitakola taku epin kta ca mi- yecilaotanin kte lo. Eya mitaku- yepi, tona Okolakiciye onpapi tka wicota wocekiye el ye šni unqonpi kin heon takepin kta wacin. An- petu wakan canna Tipi waken el kablapi kin he wicaša na winyan, na wakanheji hena oyasin unki- copi. Eya hena unakiktonjapi kta can- ke beye lo. "Anpetu okilipapi kin wakanyan luhe kte cin he ki- ksuya yo" eye lo. Heon Wowapi wakan el wocekiye eye unšipi kin heca etan wapazo kta wacin ya lo. "Kiktahan unpi na cekiya po, okinni taku wawiyutanyan un kin el yaipi nuu ee. Wicanagi kin he awicakehan wicala, tka wicacelipi kin wašake šni. "Markos 14: 28. "Iwaniglaka po, wakta na ce- kiya po. Tohan iyebantu kte cin slolyayapi šni lakaes." Markos 13: 33.

"Tukte nom yamni micaje on mniciyapi kinhan ben wiciyopeya waun ece." Matt. 18:20. "Tuka waniyetu na Anpetu wakan icun- han nayajicapi kte šni e ito cekiya po." Matt. 24:20. "Na taku tona wocekiye eya yalapi na wicayalaj i kinhan hena oyasin luhapi ecee kta." Matt. 21:22 "Heon etanhan kiktahan un po. Anpetu na wih- yayena oape kin tukte wanji el Wicaša Cinbincku kin hi kte cin he slolyayapi šni." Matt. 25. 13. "Itancan, Itancan emakiyapi ece, na taku epe cin ecel econonpi šni he." Lukas 6:46. "Taku wašte wa- cin kin he ececon ecamon šni; tka taku šica wacin šni kin hee ecel ecamon ece. Hecel taku wacin šni kin he ecel ecamon kinhan tuwe hecon kin he miye šni, tka wašta- ni miye mahel un kin he hecon." Roma 7. 19, 20.

Ho eya mitakuyepi wicoiye qeya woinapeya taku eye cin, heon wo- cekiye el unškanpi kta iyececa ye lo. Ho tona Wowapi wakan wi- coiye kin wanlakapi kin napeciyu- zape lo.

John T. Henry (Mato kinajin)

ANPAO - KIN:

REV. E. ASHLEY, LL.D., - Editor
Rev. W. Holmes, - Assoc. "

Anpao wotanin wowapi kin wi iyohi- na, wiyawapi anpetu tokabeya eca wo- wapi tokšu kin oga yewicakiciyapi ece. Wi akenom (one year) on kašpapi za- ptan kajujupi kta.

Wi šakpe kin kašpapi nonpa sam okise. Icupi šni itokab kdajujupi kta. Money Order, Cheyenne Agency on opetonpi na hiyuniakirapi kta. Okihipi šni kinhan Wowapi askabyapi maqupi kta.

Tuwa wowapi kagin kta ca wowapi ska sani el owa kta. Opetonpi kta e wowapi hiyukiyapi qaiš ed taku oyakapi kta cinpi na hiyukiyapi ca, wowapi onha akand deced owapi kta.

REV. E. ASHLEY, LL. D.
Cheyenne Agency, S. D.